

續修陳州志

八

昭代名詩

伏羲太昊陵

陵前有八卦臺

清

宣鎮閩興邦

一畫開天地全功闢八荒君臣從此判治化至今彰

蒼草留神異河圖翼聖皇拜瞻千古蹟俯仰思蒼茫

厄廟

不知何人改作絃歌夕照

宣鎮閩興邦

云何稱厄廟道大莫能行豈獨匡人阻還因侯國輕
窮途誰館粲曠野只師生村老今猶說當年盡不明

太昊陵

三韓王清彥

伏羲陵寢對嵩山廟貌崔嵬霄漢間祭祀千秋陳俎

豆衣冠萬古肅朝班
河圖異數難重邁
帝子高

風尚可攀
禁籟森嚴
松柏盛棲鳥
飛去更飛還

絃歌夕照

原名厄臺明季餘兵憲改名爲絃歌臺

三韓王清彥

至聖遺蹤若箇邊
登臨不盡思茫然
幽燕北眺山河
迥吳楚南來郡邑連
道繼唐虞猶有厄
轍停陳蔡獨
無煙州人指點絃歌處
草樹蒙茸落照懸

蘇湖亭

襄平王清賢

先生湖上教一鑑
啟城西舊有生徒樂
新招伯仲題
天光亭外撼樹色
望中迷私淑於茲者
振衣步欲齊

古今雜詠

唐

宿淮陽

張九齡

日暮荒亭上悠悠旅思多
故鄉臨桂水今夜渺星河
暗草霜華發空庭鴈影過
興來誰與晤勞者自爲歌

曉發淮陽

張繼

微涼風葉下楚俗轉清閑
侯館臨秋水郊扉掩暮山
月明潮漸滿露濕鴈初還
浮客了無定萍流淮海間

汝南別董校書

戴叔倫

擾擾倦行役相逢陳蔡間何爲百年內不見一人閑
對酒惜餘景問程愁亂山秋風萬里道又出穆陵關
送宛丘任少府 盧綸

帶綬別鄉親東爲千里人俗訛唯競祭地古不留春
野戍雲藏火軍城樹擁塵少年何所重才子又清貧
送顏少府投鄭陳州 岑參

尉便垂白數年唯草玄出關策匹馬逆旅聞秋蟬
愛客多酒債罷官無俸錢知君羈思少所適主人賢

未

夏日偶成

蔡確

紙屏石枕竹方牀手倦拋書午夢長
睡起莞然成獨笑數聲漁笛在滄浪

瑞麥賦

宋祁

冠三輔之上者莫過於陳接五穀之乏者孰先於麥
當乘離之令序挺降澍之瑞殖盛氣雲鬱混鱗隰之
初霏密穗金繁動星田之霽色兩岐旁秀六穗並出
厥華芄芄厥穎栗栗田峻奔告守臣駭觀侔來以圖
悉上送官它穀弗書示麥禾之最重吾王攸助知稼

穉之惟艱沫北爰采罔邵乎力農關中益種無聞於
錫祉詎若天極歸貺明神効異偕蕃椒之盈升配命
禾而合穗迎層宙之休氣冠中田之嘉穀績我於瑞
圖辨我於凡菽蒙至尊之渥惠播頌聲於弦次上可
以薦清廟之馨品下可以助外饗之食劑

題桑落

劉敞

四海栖栖一旅人絕糧桑落死生隣自是天心勞木

鐸豈關陳國有愚臣

桑落在
魯臺南

糴官粟有感

張耒

持錢糴官粟日夕擁公門官價雖不高官倉常苦貧
况兼閉困廩一粒不肯分何待官票空騰價邀吾民
坐視既不可禁之亦紛紜擾擾田畝中果腹才幾人
我欲究其源宏闊未易陳哀哉天地間生民何苦辛

太昊遺墟

張耒

千里垂精帝道尊神祠近在國西門風搖廣殿松杉
老雨入修廊羽衛昏日落狐狸號草莽年豐父老薦
鷄豚舊遊零落今誰在塵碣蒼茫字半存

農家詞

張耒

南風霏霏麥花落豆田漠漠初垂角山邊夜半一犁
雨田父高歌待收穫雨多蕭蕭蠶簇寒蠶婦低眉憂
繭單人生多求復多怨天公共爾良獨難

宛丘嘆

張耒

秦陽陂頭人迹絕荻花茫茫白如雪當年萬家河朔
來畫出牛頭入租帖蒼髯長官錯料事下考大笑陽
城拙至今三老背腫青死爲逋懸出膏血君不見劉
君宰葉海內稱饑摩寒拊哀孤惻碑前千人萬人泣
父老夢見如平生冰霜統縹渠有策如我碌碌當何

成荒田滿眼人得耕詔書已復三年征早晚林間見
雞犬一犁春雨麥青青

柳湖久無水悵然成詠

蘇轍

平湖水盡起黃埃惟有長堤萬萬栽病鶴摧頽沙上
舞游人寂寞岸邊迴秋風草木初搖落日暮樵蘇自
往來更待明年春絮起共看飛雪亂成堆

初到陳州二首

蘇轍

謀拙身無向歸田久未成來陳爲懶計傳道愧虛名
俎豆終難合詩書強欲明斯文吾已試深恐誤諸生

其二

久愛閑居樂茲行恐遂不上官容碌碌飽食更悠悠
枕畔書成僻湖邊柳散愁踈慵愧韓子文字化潮州
和弟子由初到陳州二首 蘇軾

道喪雖云久吾猶及老成如今各衰晚那更治刑名
懶惰便携散踈狂託聖明阿奴須碌碌門戶要全生
其二

舊隱三年別杉松好在不吾今尚眷眷此意恐悠悠
閉戶時尋夢無人可說愁來還送別處雙淚苦南州

次韻子瞻對月見憶並簡崔度蘇轍

先師客陳未嘗飽弟子於今敢言巧敗墻破屋秋雨
多夜視陰精過畢昴藿鹽冷落空盃盤且依道士修
還丹丹田發大五臟暖未補漫漫長夜寒我生疲驚
戀莖豆崔翁遊邊指北斗唯有王江亦未歸閉門無
客邀沽酒

贈李簡夫秋園

秋色豈相負小園仍有花遶欄吟落日拾徑得殘葩
菊細初藏蝶桐疎不庇鴉遊觀須作意霜雪僅畱槎

題李簡夫葆光亭

蘇轍

逕草侵芒屨庭花墮石臺
小亭幽事足野色向人來
坐上烏皮几墻間大瓠壘
老成無不可談笑得徘徊

挽李簡夫二首

蘇轍

老成渾欲盡弔客一潛然
遺事人人記清詩句句傳
掛冠疏傳早樂世白公賢
歎息風流在埋文得細鐫

其二

歸隱淮陽市遨遊十六年
養生能澹泊愛客故留連
傾蓋知心晚論詩卧病前
葆光塵滿榻無復聽談禪

宛丘二詠

并叙

蘇轍

宛丘城西柳湖累歲無水開元寺殿下山茶一株
枝葉甚茂亦數年不開轍向從子瞻遊此每以二
物爲恨去秋雨雪相仍湖中春水忽生數尺至二
月中山茶復開千餘朵因作二詩奉寄

旱湖堤上柳空多倚岸輕舟柰汝何秋雨連渠添積
潤春風吹凍忽生波蟲魚便爾來無數鳬鴈猶疑未
肯過特詫錢塘應笑我坳中浮芥兩么麼

其二

古殿山花叢百圍故園曾見色依依凌寒強比松筠
秀吐豔空驚歲月非冰雪紛紜真性在根株老大衆

園希山中草木雖携種潦倒塵埃不復歸

次韻子瞻見寄

蘇轍

我將西歸老故丘
長江欲濟無行舟
宦遊已如馬受
輓衰病擬學龜藏頭
三年學舍百不與
糜費廩粟常
慚羞矯時自信力
不足從政敢謂學
已優閉門却掃
誰與語晝夢時
作釣天遊自從
西方多法律深
山更深逃無術
衆人奔走我獨
閑何異端居割
蜂蜜懷安已久
心自知彈劾未
至理先屈餘杭
軍府百事勞經
年未見持干旄
賈生作傳無封
事屈平憂世多
離騷

煩刑弊法非公耻駑馬奔車忌鞭箠藐藐何自聽諄
諄謬諤未必賢唯唯求田間舍古所非荒畦樊宅今
餘幾出從王事當有程去須臾肉嫌無名掃除百憂
惟有酒未退聊取身心輕

謝弟二首

有序

蘇軾

子由將赴南都與余會宿於逍遙堂作兩絕句讀
之始不可爲懷因和其詩以自解余觀子由自少
曠達天資近道又得至人養生長年之訣而余已
竊聞其一二以爲今者宦遊相別之日淺而異時
退休相從之日長旣以
自解且以慰子由云

別期漸近不堪聞風雨蕭蕭已斷魂猶勝相逢不相

識形容變盡語音存

但令朱雀長金花此別還同一轉車五百年間誰復
在會看銅狄兩咨嗟

和子由二首

蘇軾

太昊祠東鐵墓西一罇曾與子同攜回瞻郡閣遙飛
檻北望檣竿半隱堤飯豆羹藜思兩鵠飲河嘆木賴
長蛻如今勝事無人共花下壺盧鳥勸提

其二

長明燈下石欄杆長共杉松閱歲寒葉厚有稜犀甲